

**TEMPORADA TA CERCA:
COSTA LINDA A ORGANISA
PRESENTACION RIBA
'FRIENDLY LIGHTING' PA
TURTUGA DI LAMA**



WWW.SOLODIPUEBLO.COM



SOLODIPUEBLO@GMAIL.COM

CANDELA A DESTRUI BABY BACK GRILL POR COMPLETO

Diasabra mainta a drenta informe di un candela masha grandi na final di Caya Grandi. Mesora a dirigi tanto polis como brandweer na e sitio.

Na yegada di e patruya a bin constata cu ta Baby Back Grill tabata na candela. Mesora polis a sera caminda. Brandweer a yega na e sitio y mesora a combati e candela aki.

Lamentablemente cu ta henter e localidad a keda destrui. Solo di Pueblo ta extende palabranan di forsa na e propietario.



**AUTORIDAD MAN
NA CABES CU
TANTOLADRONICIA
DI AUTO**
un ladron deteni
despues di persecusion
peligroso



**PARADA
DI MUCHA
CARNAVAL
ARUBA**



TEMPORADA TA CERCA: COSTA LINDA A ORGANISA PRESENTACION RIBA 'FRIENDLY LIGHTING' PA TURTUGA DI LAMA



PUNTA BRABO - Managers, ingenieronan y esnan di Resort Operations a keda invita pa president, Edith van der Wal hunto cu su team, Turtugaruba, pa atende un presentacion special na Costa Linda Beach Resort den preparacion pa e temporada di Leatherback Sea Turtle 2024, cual lo cuminsa na Eagle Beach den algun siman. E temporada di nesting ta normalmente core for di luna di maart te cu september. E turtuganan ta cuminsa sali entre luna di mei cu november, cual ta nifica cu e proceso di incubation ta tarda entre 60 pa 70 dia. Basa riba experiencia di pasado,

Aruba sa con e luznan artificial cu ta briya riba beach ta interfere cu e proceso di nesting y p'e turtuganan baby por haya nan caminda pa bay lama. Turtugaruba a tuma nota cu tin hopi bishitante cu ta consciente di miho uzo di luz of otro solucionnan di luz cual ta aplica na diferente parti di mundo, y nan ta puntra e organisacion cu tur hotel pa tambe haci miho trabao riba esaki na Aruba. Turtugaruba a invita dos especialista di luz for di Sea Turtle Conservancy, FWC, Florida Wildlife Conservation, un organisacion renombra basa na Florida, USA. Nan a brinda un presentacion



informativo tocante solucionnan inovativo ora ta trata e retonan aki y con pa proteha e turtuga pero tambe interes humano den un manera practico. E encuentro na Costa Linda Beach Resort tabata hopi bon atendi.

E dos experto bishitante desde FWC a introduci tres regla di 'wildlife friendly lighting.' 1. Mantene low, y mantene cerca di piso puntando abao, uzando menos watts y lumens. 2. Percura pa ta cubri, mester cubri e fuentenan di luz pa nan no ta visibel desde beach

3. Tambe percura p'e ta

largo, uzando luznan di 560 nanometers of mas largo. Ta importante pa revisa cu tin instrumentonan di luz certifica pa medio ambiente, y bo por mira algun muestra riba e website di Sea Turtles Conservation, incluyendo ehempel di luz y distribucion. E website ta: <https://conserveturtles.org/>.

Si a caso bo mester lubida, e turtuga di lama ta regresa su beach natal pa por nest, nan ta uza e planeta su sistema magnetico pa guia nan den nan trayectoria largo den lama. Nan no ta nest tur aña, pero mas

o menos cada 2-5 aña. E turtuganan di lama na Aruba ta pone entre 115 webo cada un, entre 6 pa 8 biaha den un temporada. Estimadamente 1 di 1000 turtuga ta sobrevivi y bira grandi. Mas importante: tur especie di turtuga di lama ta den peliger y mester nos proteccion. Turtugaruba ta aprecia cualkier pregunta of remarca, por contact nan riba turtugaruba@hotmail.com of +297 592 9393 (telephone or WhatsApp) TurtugAruba Aruba BankAcct #4006684

CHARLA NA FUNDACION DOMINICANA ARUBANSE JUAN PABLO DUARTE



Na Fundacion Dominicana Arubanse Juan Pablo Duarte a tuma lugar un charla relaciona cu dia di Juan Pablo Duarte su natalicio su conmemoracion di 211 aniversario y na e plaza a pone un ofrenda floral den oranan di mainta Fundacion ta representa e instituto Duartiano na Aruba.

Ta pidi pa keda pendiente pe actividanan pa 27 februari proximo dia di independencia di Republica Dominicana.


DIRECTIVA DI S.T.A. HUNTO CU SU DELEGADONAN A FIRMA E PROMER "CAO" PA CU E COMPANIA

"Costa Linda Beach Resort" awe 26 di Januari 2024. Despues di varios aña di lucha a bin logra firma e contrato colectivo cu ta ensera un adelanto tur cos hunto di ariba 15% reparti den 3 aña.

E empleadonan lo conoce adelanto den salario tur aña cuminsando 1 di Januari 2024 cu forza retroactivo. Tambe lo conoce adelanto den nan placa di spaar, bonus di fin di aña, dlanan di vacacion, placa di cuminda djies pa menciona un paar.

Directiva di STA kier a felicita e empleadonan di "Costa Linda" cu nan promer CAO y tambe gradici e delegadonan di STA emplea na Costa Linda esta Giovanni, Daniel y Victor y den mes un rosea gradici gerencia di e compania y nan abogado sin lubida mediador di gobierno di Aruba cu tambe a pone su granito pa asina partidonan por a yega na otro y asina por a firma e CAO pa cu e compania.

No tawata un negociacion



facil pero atrobe na e empleadonan di e den number di directiva di perseverancia a vence.. compania cu nan promer "Sindicato di Trahadornan Un pabian un biaha mas contrato colectivo. di Aruba"

SECCION PRE HOSPITAL PA PARADA, NAN DI CARNAVAL



Den cuadro di e plan di siguridad cu a wordo traha pa cu e celebracion di Aruba su Carnival. Awe a keda instala pa e prome parada grandi di mucha e set up completo di e Pre Hospital.

Esnan cu lo ta encarga pa duna e servicio na e publico den e Prehospital ta personal di Dr. Horacio Oduber Hospital (HOH) y di Rode Kruis Aruba.

Crisis Management Office (CMO) Aruba ta e instancia cu a keda encarga cu a parti logistica pa asina procura

pa e set up completo di e facilidad di e Pre hospital.

Comunidad di Aruba pa medio di e Pre Hospital aki, tin e garantia di por ricibi e di e servicio di prome auxilio sin cu mester bay directamente na e servicio di emergencia di Aruba su Hospital pa un incidente chikito/leve.

Cu e servicio aki ta yuda na baha e fluho di personanan cu ta bin hasi uzo di servicio di emergencia di HOH.



MINISTER ENDY CROES TA FELICITA COLEGA MINISTER DANGUI ODUBER CU E BUNITA PROYECTO DI CAS Ariba



D: Recientemente, den un esfera ameno na Plaza Deto Varis, Minister Dangui Oduber a haci anuncio di fase II di e Proyecto di Cas Ariba. Un proyecto bunita y importante pa barrio di Santa Cruz y pa Pais Aruba.

E proyecto aki ta di Ministerio di Turismo y ta fit den e maneho y vision di haci inversion continuo den mehoracion pa upgrade di e producto Aruba y pa crea atraccion

turistico nobo. Minister Endy Croes tabata presente na e anuncio special aki hunto cu Prome Minister di Aruba Sra. Evelyn Wever – Croes, Presidente di Parlamento mr. Edgard Vrolijk, directora di ATA, Sra. Ronella Croes y ex - Premier di Aruba Sr. Nelson Oduber. Fase II di e proyecto ta consisti di un plaza multifuncional, unda cu e turistanan por topa cu nos hendenan local. Lo construi un speeltuín, caminda e muchanan den



e barrio por haci uzo di dje.

Ta bay tin un area pa haci ehercicio y/of practica deporte, lo tin area unda turistanan por haya informacion di Santa Cruz y di historia y cultura di Pais Aruba. Tambe, lo tin un area pa recrea y lo construi tribuna nobo unda cu por organisa diferente evento y/of fiestanan nacional. E lo bira un area caminda localnan por haci uzo di e plaza henter aña. Esnan presente a aplaudi e fase II di e proyecto aki. Pa clausura e evento Claudius y Oreo a trece un bon ambiente musical. Pa finalisa, Minister Endy Croes ta felicita colega Minister Dangui Oduber, Gabinete Wever – Croes II, ATA y Ministerio di Turismo cu e bunita proyecto aki. Pabien na e barrio di Santa Cruz.



PARADA DI MUCHA CARNAVAL ARUBA



PARADA DI MUCHA CARNAVAL ARUBA



MINISTER ENDY CROES A BISHITA SCOL BASICO WASHINGTON NA NOORD

En conexion cu e fecha natalicio di nos Libertador Betico Croes:



En conexion cu Dia di Betico, diaranson mainta, Minister Endy Croes a bishita Scol Basico Washington. Na yegada e

mandatario di Enseñansa y Deporte a ricibi un caluroso bonbini door di e cabesante Sra. Sharine Curiel, staf, maestro- y



alumnonan di e scol. Despues di a saluda e alumnonan, Minister Endy Croes a sigui pa klas 5 y 6, unda a combersa cu e alumnonan y a duna nan mas informacion di e bida, historia y logronan di nos Libertador.

Na final di e charla, Minister Endy Croes a haci e alumnonan diferente pregunta y remarcabel ta cu nan tabata conoce e historia di Betico, e Lider stima pa su pueblo. Sra. Sharine Curiel, kende ta cabesante di Scol Basico Washington, a indica cu den e ultimo dos simannan e maestronan a siña e alumnonan e historia di



ken ta Betico. Tambe, Sra. Curiel a expresa cu e ta contento cu Minister Endy Croes a duna mas informacion di loke e mes a experencia durante e periodo cu Betico tabata na bida.

Alabes a invita Pueblo di Aruba pa celebra Dia

di Betico grandemente. Pa conclui, Minister Endy Croes ta gradici e cabesante di e scol Sra. Sharine Curiel, maestro- y specialmente e alumnonan pa un mainta hopi agradabel. Ban recorda y celebra Dia di Betico pa e herencia bunita cu el a laga atras, nos Status Aparte.



PARADA DI MUCHA CARNAVAL ARUBA



PARADA DI MUCHA CARNAVAL ARUBA



AUTORIDAD MAN NA CABES CU TANTO LADRONICIA DI AUTO

un ladron deteni despues di persecucion peligroso



Oranjestad - Diasabra marduga ladroncia di auto ta continuando y na gran escala.

Segun nos a compronde, den companashi un Hyundai Getz a wordo horta.

Patruxa di Playa atento rond di 4'or di marduga a spot e vehiculo aki, y matora a start un persecucion. Ta papia di un perse-

cucion formal cu velocidad hopi halto mes.

Polis cu kier gara e ladronnan y e ladronnan cu ansha pa huy y no wordo gara.

E Hyundai Getz a haci un monton di maniobra, den Madiki y area di Driemasterstraat y polis su tras. Ariba e caminda di Belgiastraat un ciudadano a graba e momento cu polis tawata tras di e auto y eyan bo mes por saca conclusion con peligroso e cos aki ta.

Algun rato despues, polis cu no a give up a logra, e auto lo a drenta un cura di un cas y dal un meter di



awa kibra.

Aki polis a logra gara uno, mientras lamentablemente un otro cu aparentemente ta un conocido ladron di auto a huy.

Ladroncia di auto a lanta cabes y no ta muestra cu tin un luz na horizonte con e final lo ta. Casi cada dia of pasa un dia "nan" ta purba of ta horta auto y no ta solamente esnan ariba e challenge cu e ta e marca Kia Rio, Picanto, Sportage etc etc pero tur auto cu por wordo horta lo wordo horta.



Publica serka nos anuncio di fayecimento di bo ser kerí.
Nos tin 2 pakete pa ofrese;

Pakete 1: Anuncio di fayecimento te dia cu e defunto ser dera
Gradicimento y invitashon pa misa pa 3 dia AFI 250,00


Pakete 2: Anuncio di fayecimento te dia cu e defunto ser dera
Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

Pa mas informashon por tuma contacto cu oficina na
585-9500 of na 741-4554

SABIDURIA DEN NOS ALEGRIA

Skirbi pa Ruthy "Lady Ruth" Vrieswijk-Bergen



Y asina e prome luna di e anja 2024 a pasa bay den tempo. Nos dilanti e luna di Februari, e luna di Amor. Nos ta spera cu ketobay pueblo y carnavalistanan ta gozando di e ultimo actividadnan segun e calendario di Carnaval 70. Den Carnaval setenta, cada grupo y cada carnavalista cu nan mesun cuenta. Corda cu alcohol di mas por stroba bo di yega bo cas. Comporta nechi, paso wowonan di tur bishitante tambe ta ariba nos. Pero

mas bien, duna bon ehempel na nos muchanan y na nos hobennan. Ademas di ta yegando na e culminacion di nos dushi Carnaval 70, e luna aki famia Lacle-Simon a celebra cu nan ser stima, sra. Hortencia, su di 75 cumpleaños. Un dushi hende, un bon mama, suegra, wela, bisawela y ruman. "Mama Hortencia" ta e hende muhe bunita fuerte y hopi dedica na su fe, cu ta habri cas y curason pa e nochinan di oracion y di

aparicion na su cas, Modanza 11 A. Sra. Hortencia ta mama di Vidente Valerie. Mama Hortencia su celebracion tawata uno hopi alegre, cu e tokenan chistoso di su yui homber, e gentil cabayero Dave, tremendo maestro di scol, cu ta Panchito di Carnaval 70. Un famia hopi inspira cu hopi gradicimento na nan humilde curason. Famia y amiganan mas pega a bini hunto pa a canta Happy Birthday pa Mama Hortencia y tur presente por a disfruta di un super dushi catering y e bolo mes cu tawata super dushi mes. Pa nos, cada dia un celebracion sigur, mirando con nos edad ta sigui aumenta lentamente y mirando rond di nos cuanto di nos dushi hendenan ta wordo yama pa bay nos dilanti den e reino celestial. Nos tawata hopi contento tambe di por a topa cu e artista grandi di "Vibes y Percussion", e dinamico cabayero guapo Carlos Bislip y su bunita y distinguida sra.esposa Ingrid den Coffee House disfrutando di nan dushi pida bolo y si mi no tin hera, e dushi frapoccino cu nos tambe ta loco cu'ne. Ta hopi biaha nos ta topa cu Carlos, cu su number di carino artistico "Calai" tambe na Poetry Nights, e anochinan di poesia organisa pa Vibration PR Company y Basha Foundation. Durante e anochinan ey, Calai ta laga un of mas alumno di dje toca riba nan instrumento musical y asina comparti di nan talentonan. Carlos Bislip ta hopi conosi pa e actividadnan musical di Jazz tur anja aki aya, cu sigur ta causa un impacto musical cu su



manera unico y profeshonal di curason cu e ta bin cu'ne. Nos ta corda un anochi di musica jazz tambe na e lugar "Neighba" den curason di San Nicolas algun tempo atras den 2023, na unda ela duna e oportunidad di presentacion di dos musico femenino di exterior ariba saxofoon, hopi great mes. Bo ta wak Calai, no esun di mas flaco, pero nechi y guapo, esun di mas mihor y super bon den locual e ta hasi y su manera di duna les na su alumnonan. Su bunita curason ta na e bon lugar. Y semper cu e amor, apoyo y sosten di su bunita sra.esposa Ingrid. Ban sigui celebra bida tur dia na e mihor manera cu nos por, na e manera cu salud ta duna, sin abusa naturalmente di alcohol. Pabien ainda na Mirto Lacle, Jenny y comishon organisador di e prome actividad na BNA di 2024, na unda, lamentablemente nos no por a atende pa motibonan fuera di


nos control. Exito pa tur e siguiente actividadnan cu lo wordo organisa den 2024. Pabien especialmente na Paula Engelen, cu su bunita curason cultural y social e.o. e actividad di steelpan di The Connor Brothers. Un hende muhe inspira y talentoso cu tambe tin su curason na e bon lugar. Y cu su amor grandi pa Aruba. Danki pa lesa nos relato y pasa un bon y dushi dia cu hopi sabiduria den nos alegria! Un "bearhug" di Lady Ruth pa boso tur!



GRUPONAN A ENTREGA NAN VEILIGHEIDSPPLAN ARUBA CARNAVAL (Plan di Siguridad di Aruba su Carnaval)



Gruponan di mucha y adulto cu ta participa na e paradanan di Carnaval 2024 a entrega nan plan di



siguridad pa nan respectivo grupo.

Di parti di Crisis Management Office (CMO) Aruba e gruponan a haya e sosten pa asina nan por a yena na formularionan cu e informacionnan necesario pa asina nan cumpli cu e Plan di Siguridad di Aruba su Carnaval.

Mester bisa cu gruponan cu a yena nan formularionan a keda satisfecho ya cu asina nan tin un bista completo di kico tur nan mester tene na mes na dje pa asina cumpli cu e parti di siguridad general di nan grupo.

Tambe tin cu informa cu e documento ta uno bibo, esta cu por tin adaptacionnan den caso cu un situacion imprevisto presenta. Si esaki sosode e lider di grupo lo informa mesora pa asina tur e instancianan concerni pa cu e plan aki por wordo informa na tempo di dicho cambio. Pero no por desvia for di e palabracionnan haci durante e encuentronan pa por a yega nan e plan final aki.

Adhunto cu e articulo aki por mira e gruponan cu a pasa na oficina di CMO pa asina yena y entrega nan plan di siguridad.

E plan ta contene tur informacion necesario cu cada un di e partnernan cu tin un of otro tarea pa cu e celebracion di Carnaval. Den e documento aki tur partner tin e persona di contacto pa den caso cu un situacion di emergencia presenta, nan sa mesora kende nan mester comunica cu ne y atende e asunto encuestion.

Ta spera cu mirando cu e gruponan cu ta participa na e paradanan di Carnaval tin nan plan di siguridad formalisa. Ta keda awor na e publico pa nan por comporta nan mes


manera mester ta, pa asina cada grupo por presenta nan trahe, obranan di creatividad, nan artenan etc riba e ruta di e parada sin cu nan ta wordo strobato.

Siguridad mester por conta pa nos tur, esta pa e participantenan den e parada, pa e publico y esnan cu ta

“first respondernan”.

Ban desmostra cu aki na Aruba nos por celebra un Carnaval sigur pa un y tur.

***Ariba e potret por mira e lidernan di gruponan cu a entrega nan plan di emergencia na Crisis Management Office / CMO



	3	8				2	4	
6			9		2			1
		4			8			6
4	7	1	2			3	5	
		5					1	
	8	3				6	7	
		6			1	5	2	9
		2					8	

	9							8
2						1	9	
4			2		1			
	3				6		8	7
			7		9			
7	1		8				3	
			5		3			6
	8	6						1
5							7	

Prome Minister Evelyn Wever-Croes

PROME MINISTER A HACI TRASPASO DI MANDO NA NOS PRINS Y PACHONAN CU LO DIRIGI NOS CARNAVAL 70



Diadomingo mainta, 28 di januari, a tuma luga na Bestuurskantoor e tradicional traspaso di mando simbolico na Prins y Pancho 2024 pa Aruba su Carnaval 70. Prome Minister Evelyn Wever-Croes, den su discurso dirigi na e monarcacan di Carnaval y na e publico presente, a expresa cu pa Gobierno di Aruba, e ta un placer y honor pa habri porta di e oficina di gobernacion pa ricibi nos celebradnan di Carnaval 70. Durante e ceremonia bunita, e monarcacan di

nos Carnaval 70 a trece nan decretonan dilanti expresando nan deseonan pa tin mas union, mas atencion pa nos muchanan, mas atencion pa nos hobennan y pa Aruba uni y sostiene Carnaval mas. Tambe nan tawata tin peticionnan specifico pa diferente minister di Gabinete Wever-Croes. Prome Minister a duna di conoce cu e lo comersa cu su colega ministernan di e peticionnan aki. “Mi ta gradici SMAC cu un biaha mas ta organisa un temporada di Carnaval hopi bunita.

Aruba henter a prepara pa Carnaval 70 y mundo henter tin wowo riba nos, con nos ta celebra Carnaval. Ban duna mundo henter mas motibo p ata orguyoso di nos dushi Aruba”, Prome Minister a expresa. Consejo di nos Prome Minister ta keda pa nos sigui cuida nos muchanan den e paradanan venidero. Preferibel ta pa no hiba muchanan hopi chikito Carnaval. Pa e muchanan mas grandi, cuida nan di solo, cuida nan oído, sea atento pa nan tin nan earplugs, duna nan

suficiente cos di bebe y sigura asina cu nan lo goza di berdad di nos dushi Carnaval. Tambe, na nos adultonan, no abusa di alcohol. Ban cuida nos mes pa cada un di nos celebra un carnaval sin niun problema y keda cu bunita recuerdo di e temporada aki. Tambe Prome Minister ta gradici tur e monarcacan di nos Carnaval cu tawata presente diadomingo mainta prome cu e apertura di gran parada di mucha na Oranjestad. Ta gradici nan mayornan, gruponan, lidernan, nos musiconan y tur esnan cu ta engrandece nos Carnaval. “Di parti di Gobierno di Aruba, mi ta desea tur carnavalista y Aruba henter, un dushi Carnaval 70. Ban goza di nos carnaval responsable y sanamente. Mi ta spera cu na final di e temporada

di Carnaval, Aruba di verdad ta demostra mundo henter ki bunita nos ta celebra Aruba su Carnaval 70”, Prome Minister a expresa.

Prome Minister a entrega na nos prins y pancho infantil e spada simbolico pa nan proteha nos carnaval di mucha. Prins y pancho hubenil a ricibi spada simbolico pa nan defende nos hobennan den carnaval. Y nos prins y pancho grandi tradicionalmente a ricibi e yabi cu ta simbolisa cu nan tin tur mi sosten y confiansa pa habri y guia nos carnaval 70.

Na prins y pancho clssico, Prome Minister a entrega un yabi di ‘spare’ pa por si acaso e prins y pancho grandi jump dimas y perde nan yabi. Tambe, cada monarca como miembronan di organizacion SMAC a ricibi un pin for di Prome Minister.

Parlamentario Alvin Molina (MEP):

2024 LO CONSTRUI UN STAGE FIHO PA CARNIVAL VILLAGE



San Nicolas lamentablemente ta conoci como un "ghost town". Desde cu refinaderia a cera, a sobra masha tiki di tur e grandesa cu e distrito

a conoce. Pa drecha un "ghost town" bo mester trece movicion di hende. Carnival Village ta un bunita proyecto cu por trece hopi oportunidad pa

cultura y por yuda eleva union den pueblo. Inverti den Carnival Village ta importante, paso cultura, mescos cu musica, arte y deporte, ta trece hende hunto, ta uni e pueblo cu eventualmente lo percura pa e barionan ta mas sigur y dushi pa biba aden. Construi un stage fiho y un muraya lo haci Carnival Village hopi mas apto pa organisa evento- y actividadnan.

Den e prome kwartaal di 2022, mi a entrega un mo-

cion pa eleva celebracion di cultura pariba di brug. Tambe, mi a puntra pa e plan original di Carnival Village pa nos mira kiko falta y determina con mester sigui. Nos Minister di Infraestructura a haci varios intento, a acerca DIP, pero te dia di awe no a ricibi nada. A bira tempo pa traha un plan nobo, basa riba e deseo di pueblo. Den tratamiento di Presupuesto di Pais Aruba pa 2024 mi a entrega un otro mocion especificamente pa drecha Carnival Village, pa construi un stage fiho y muraya. Asina promotornan por organisa

evento, kiosconan por sobrevivir y sigui brinda servicio na nan cliente. Mi lo keda monitor di cerca si e mocion ta wordo ehecuta y con. "I will be on they tail believe me".

Por mira cu varios minister a reacciona positivo y ta sostene mi peticion. Minister di Cultura ya ta trahando riba e plan cu lo wordo ehecuta e aña aki, Minister di Infraestructura y Minister di Turismo ta duna nan cooperacion y aporte. Accion di gobierno y di pueblo ta rekeri pa yuda 'make San Nicolas great again'.



VALIDO TE DIALUNA 29 DI JANUARI 2024,
18:00 ORA
UN ALERTA PA BIENTU DURO TA NA VIGOR
TE MAYAN MAINTA 6'OR...

-UN AVISO PA BOTO CHIKITO PA LAMA
HABRI Y ESPECIALMENTE AREANAN

CERCA DI COSTA OOST TE NOORDWEST TA
NA VIGOR...

AVISO/ ALERTA:

UN AVISO PA BOTO CHIKITO TA KEDA NA
VIGOR PA

PARTINAN OOST TE NOORDWEST DI
COSTA Y RIBA LAMA HABRI. TA SUGERI
BAÑISTANAN NA LAMA Y USUARIONAN DI
FACILIDADNAN DI LAMA PA TENE

ESAKI NA CUENTA
E AVISO AKI LO KEDA NA VIGOR TE

DIADOMINGO MAINTA 6'OR.
PRONOSTICO DI TEMPO PA PROXIMO 3 DIANAN:
PARCIALMENTE NUBLA CU UN AWACERO
BREVE.

BIENTO LO TA FOR DI DIRECCION OOST Y
MODERA
TE BASTA FUERTE, FUERTE TE POSIBLEMENTE
DURO DEN RAFAGA;
TEMPERATURA (GRADO CELSIUS) MAX / MIN
LO TA: 32 / 26

Clasificados

SOLODIPUEBLO@GMAIL.COM
CEL. 585 9500

SOLO De Pueblo

FORTALEZA PA FAMIA

Scirbi pa Pastor Marcel Balootje.

LAGA RESPET PREVALECE DEN TUR CIRCUNSTANCIA



Respet ta algo masha bunita, respet ta muestra cu nos tin bon educacion, respet ta demostra cu nos ta bini for di un bon famia, caminda for di chikito, orden y disciplina a wordo sembra den nos bida. Respet ta bini di Dios, pasobra nos Dios ta un Dios

Corintionan 16:14). Falta di respet, ta causa berguensa, e ta manera un buraco habri den nos karakter, cu hopi biaha ta manda mal holo, especialmente ora e ta combina cu palabra malo, y actitud indecente. Hopi ta kere cu un boca sushi, y arogancia ta cos di

Hasta tin hende ta bisa "No busca mi boca" manera ta un cos masha bunita, ora un hende ta papia palabra malo, sin worry den presencia di ken of na unda e ta. Falta di respet, combina cu palabra malo, ta baha balor di hende, no ta importa den cual idioma bo expresa, e ta dji demostra un falta di educacion.

Awor esaki a bira un trend pa e asina yama "influencers" cu den programma di tv of riba facebook hopi biaha ta duna un comportacion vulgar y cu lastimamente nos hubentud ta imita. Pero hopi di nan no sa cu den e bida real di e persona ey no ta comporta asina, pero pa hala atencion den su show, e ta bisa algun palabra, pa mantene su fanaticada. Den nos bida di tur dia, nos ta mester respeta otro tur momento, respet ta cuminsa na cas, sigi hibe scol of trabao, tur caminda cu nos ta, respet mester prevalece, pasobra respet ta ordo di bida, un persona respetabel, tur caminda lo

wordo respeta, y porta lo ta habri pe tur momento, tur caminda. Pero ora un hende ta identifica su mes cu falta di respet for di momento cu e ta bini di leu, hende ta cuminsa prepara pa ricibie, y pa haci combersion cortico cune, pa asina evita cualkier barbaridad. Respet tambe ta algo hopi serio den nos forma di bisti, pasobra hopi biaha, especialmente serca hende muher, bo forma di bisti tin hopi di haber cu bo karakter, y e respet pa bo mes. Tambe ta hopi notabel e asunto di Tattoo, si nos tuma nota un Tattoo no ta algo barata, tin Tattoo ta costa miles di florin, awor ora un hende gasta un cantidad di placa asina, e tin di demostra locual cu e a pone na su curpa, awor e pregunta ta bini: Un hende mester sigi bisti paña cortico, lomba afo, of cu menos paña na su

pecho, pa asina demostra su Tattoo pa resto di su bida? Laga nos pensa e esaki pa un momento y evita di laga diabel gaña nos. Ora mayornan ta duna ehempel di respet den cas, nan ta crea un ambiente di respet pa nan yuinan, pasobra ora no tin respet den un cas, e presencia di Dios no tey, pasobra e Spirito Santo di Dios, no tey caminda tin bochincha y desorden, discusion y violencia. Pesey e palabra di Dios ta bisa: No haci nada cu actitud di egoismo, of orguyo, ma cu humildad, laga cada un di boso, considera e otro, mas importante cu e mes. Falta di respet hopi biaha ta bini di orguyo den nos bida, cual ta pone hende pensa cu nan ta mas cu otro, y Dios no ta di acuerdo cu esey. (Colosensenan 3:25). Sinceramente, Pastor Marcel Balootje.

ORACION DI DIA



Un feliz dia yena di bendicion y colma cu hopi fe y confiansa den nos Bon Dios

El a bisa nan:..... "Pakico boso tin tanto miedo asina? Ainda boso no tin fe?" (Marco 4, 40)

Confiansa. Un palabra cu nos conoce bon. For di chikito nos a siña confia nos mayornan. Sin pensa, di biaha nos ta kere nan, pasobra nos sa cu nan ta stima y cuida nos. Segun cu tempo pasa, nos ta crece y ta topa hende den nos caminda di bida cu kisas a defrauda nos. Nos ta cuminsa duda den e sinceridad di hende. Y perde confiansa y speranza den Dios. Tambe nos tin miedo di faya y miedo cu otro hende ta faya nos. E disciplinan a duda, nan tambe a haya miedo y a perde speranza. Nan no sa di e poder todopoderoso di nan Maestro Hesus. Nan no conoce ainda. ...: 'Ta ken e homber aki ta? Hasta biento y lama ta tende di djE' (Marco 4, 41) nan a bisa. Nos tambe por scapa di un tormenta o un turbulencia den nos bida. Scucha Su Bos severo cu ta papia den nos curason, pa nos confia den djE, E Yiu di Tata.

Oracion: Señor Hesus, haci mi Fe mas grandi. Yuda mi. Proteha mi. Duna mi forza pa enfrenta tur problema cu un calma, paden den mi ser. Den e nomber prestigioso di Hesus di Nazaret. Amen.

di orden di decencia, broma cune, al contrario e Kende ta guia tur cos den ta decadencia personal.

Cu tristesa na nos curason pero agradecido pa tur loke ela nifica pa nos, New India Assurance ta anuncia fayecimento di:




Joy Raghunath
6 augustus 1952 - 25 januari 2024
Directora di New India Assurance di 1999 pa 2014

Acto di despedida y celebracion di Joy su bida lo wordo anuncia despues.

“Lagami biba pa semper den Bo cas y sconde bou Bo halanan. Abo, Dios, a scucha mi promesanan, B’a dunami e tera cu ta toca esnan cu ta honra Bo”. (Salmo 61, 4:5)

Cu profundo tristesa, pero conforme cu boluntad di Dios nos ta participa fayecimento di nos kerido esposo, ruman y omo stima:

Raymundo Werleman

Cariñosamente yama Mo Rey

23 juli 1936 – 18 di januari 2024



Ex trahador di LAGO

Ex trahador di Fiesta Trading

Ex trahador di Canashito Farm Supplies NV

Su kerida esposa: Theresita (Sita) Werleman-Croes

Subrino stima manera yiu: Dino Yarzagaray y famia

Su rumannan: †Apolonio (Poy) y †Angelica Werleman-Ras y famia

†Rosario (Ro) y †Margarita Werleman-Maduro y famia

†Maximina (Chichi) y †Basilio Maduro-Werleman y famia

†Cerilio y †Maria Werleman-Geerman y famia

†Emiterio (Mito) y †Maria Werleman-Kock y famia

†Jan Faustinus (Janchi) y †Augustina (Tina) Werleman-Geerman y famia

†Zenovia (Noba) Werleman y famia

†Catarina (Tinchí) y Mario (Mai) Croes-Werleman y famia

†Luisa (Wisa) y †Augustin Yarzagaray-Werleman y famia

†Fabiano (Padu) y Rita Werleman-Wever famia

†Martina (Ina) y Placido (Do) Geerman-Werleman y famia

Lucio (Luca) Julian y Betty Werleman-Dirks y famia

Swa y cuñanan: †Sira y †Tommy Croes-Croes y famia

Elvira y †Luciano Schwengle-Croes y famia

Linda y Rene Nieuwkerk-Croes y famia

†Elca y †Braulio Rodriguez-Croes y famia

Engrid Croes y famia

Leoncio y Yolanda Croes-Tromp y famia

Tur su ihanan, su subrino y subrinanan, su primo y primanan, comer y compernan, su amigo y amiganan

di cas, su bon bisinanan, miembronan di coro Inmaculada Concepcion di Sta. Cruz, miembronan di Legion di Maria, miembronan di grupo Carismatico, miembronan di grupo di Oracion Cosecha di Señor, Fe Speransa y Amor, demas gruponan di Oracion y demas famia Werleman, Croes, Yarzagaray, Maduro, Geerman, Schwengle, Nieuwkerk, Rodriguez, Tromp, Solognier y demas famia.

Ta invita pa asisti na e oportunidad di condolencia y acto di entierro cu lo tuma lugar diarazon 31 di januari na Misa Inmaculada Concepcion na Santa Cruz. For di 2’or di atardi e restonan mortal di nos defunto stima lo ta reposa den Misa.

Pa 4’or lo bay tin un Santo Sacrificio di Misa sigui despues pa Santana Catolico “Santa Maria” na Sta. Cruz. Lo ta bay tin un box disponibel pa donacion na Wilhelmina Kankerfonds.

Si den nos tristesa nos por a lubida di menciona un of mas familiar of ser kerí, nos ta pidi nos mas sincero disculpa!

Specialista di trafico mester a bay resolve accidente cu declaracion contradictorio na pompstation na Santa Cruz



Diamars anochi a drenta informe di un accidente cu declaracionnan contradictorio na e pomstation na Santa Cruz, mesora a dirigi e especialista di trafico na e sitio. Na yegada di e especialista a indicia cu maske e accidente a sosode riba un tereno priva e ley

di trafico ta indica cu man drechi tin preferencia.

PUEBLO A HAÑA SU PEN BEK

Pa kualkier informacion
solodipueblo@gmail.com

of
585-9500